

Fitsarana amin'ny Horohoron-tany.

Ny marainan'ny Martsa, 1964, ny asa fanompoan'ny Rahalahy Branham dia tonga ara-bakiteny ho any amin'ny fikapohana ny tany. Izy sy ny rahalahy maro hafa dia tafavory indray mba hihaza Javelina. Ilay toerana amin'ny ankabobeny dia ilay faritra izay efa nidinan'ny ny anjely sy ny rahona efa niseho. Noho ny fahatsiarovana izany zava-nitranga marina izany tamin'ny herintaona, dia mety hisy hanantena fa hisy fisehoan-javatra miavaka hafa mbola hiseo amin'io toerana io; kanefa androany ny Rahalahy Branham sy namany akaiky, Rahalahy Banks Wood, dia niverina tany an-toby, dia tsy nahita toe-javatra zavatra hafahafa. Fantatsika ary izao fa, tamin'izay fotoana izay indrindra, dia tsy maintsy vatolampy megaton (ton maromaro) no tsy maintsy efa vonona ny hietsika any amin'ny halalin'ny kibon'ny tany.

Rehefa nitsangatsana niaraka Rahalahy Branham sy Rahalahy Wood tamin'io andro io, tsy ahoana tsy ahoana eo ny Fanahin'ny Tompo dia nilaza taminy mba haka ny vato ka hanipy izany ambony. Tamin'ny fankatoavana dia nanao araka izay nolazaina taminy izy. Raha vao hitontona tamin'ny tany ilay vato, dia nisy tadio kely niara-nidina taminy, ary niteny fotsiny izy hoe: "Izao no lazain'i Jehovah." Dia nitodika tany amin'ny Rahalahy Wood izy ka nanao hoe: "Jerenao tsara, fa hisy zavatra hitranga. Tsy maintsy manao zavatra mba hahatonga zavatra hitranga. Teo no nanomboka ny tantara." Ny andro manaraka ny mpihaza dia nanapakevitra ny handrava ny toby (camp). Ny mpikambana ao dia mirotsaka amin'ny asa isan-karazany, toy ny fanomanana ny lalao (haza), tahaka ny Rahalahy Branham, izay tsy manao antandrevaka ny momban'izany, dia nitandrina tsara mba ho faty tsara ny afo. Tampoka teo dia nitodika tamin'ny Rahalahy Roy Roberson izy, nijoro teo akaikiny, ary nilaza taminy haingana mba hitady fialofana. Hisy zavatra hitranga. Ny iray tamin'ireo rahalahy dia naka (video) ny Rahalahy Branham tamin'izany fotoana izany, rahefa ho tapitra iny (bandy) fakany sary, tery amin'ny harambato amin'ny ilany avaratra tery dia nisy tafio-drivotra mahery vaika izay teo ambonin'ny lohan'ny mpaminany. Nahery vaika loatra io tafio-drivotra io ka namotika ny harambato ary nampipitika vato mitovy amin'ny totohondrin'ny olona hatrany amin'ny 91 metatra. Izany fipoahana izany, dia nanapaka ny tendron'ny hazo "mesquite » (hazo tahaka ny ravina voamadilo ireny izy io); ny feon'ny fahatezerany dia nameno ny rivotra. Mazava ho azy fa ny rahalahy niaraka taminy dia niafina. Ny sasany tao ambanin'ny kamiao (camion) na tany anaty kirihitr'ala, fa ny Rahalahy Branham kosa tsy taitra fa nitsangana teo, ny satrony teny an-tanany, mitazana ny tao afovoan 'ny ilay tadio mahery. Ary raha niverina niakatra tany amin'ny nihaviany io tadio io dia nanaovany indray ny satrony, ary niteny tamim-pahasahiana izy hoe, "niteny tamin'i Joba Andriamanitra tao anatin'ny tafio-drivotra." Mitohy nanonona ny vaovao mahatsiravina izy, "ny fitsaran'Andriamanitra dia hamely ny morontsiraka andrefan'i Amerika. "Ilay tadio tokoa mantsy dia nisintona nankany avaratra andrefana, mankany amin'ny morontsiraka.»

Alohan'ny ahafantarantsika ny ahalehiben'io fitsarana ho avy io, dia aleo isika hanao jeritodika tamin'ny nitenenan'Andriamanitra ny mpaminany tany amboalohany momba izany zavatra izany. (Tokony ho tadidantsika fa Andriamanitra dia nandefa mpaminany mba hilaza ny fitsarana an'ireo izay tsy mihaino, ary mba ho fanatsarana ireo izay vonona amin'ny tenin'Andriamanitra. Amin'ny olona sasany, ny tenin'ny mpaminany dia mitondra fiainana; ary amin'ny hafa dia mitondra fahafatesana sy fahapotehana.) Ny nanononan'i Rahalahy Branham tamin'ny voalohany ny horohoron-tany dia ny taona 1950 tao amin'ny toriteny mitondra ny lohateny hoe: "Filazantsara mihoatra ny Natoraly". Tsotra izany filazana azy izany fa mifono hevi-dalina, "Ny ota dia niha-niavosa ka indray andro any, ny ranomasina dia hanohy ny lalany hameno ny tany efitra. (desert)

Ny filazana faharoa ilay horohorontany ho avy ao Amerika dia tamin'ny nitoriany teny mitondra ny lohateny hoe: "Ny Fihavian'i Kristy Fanindroany", notoriana ny Aprily 17, 1957. Teo no nilazany, "Afaka roa andro tao Oakland, California, raha sendra nanatrika fivoriana tany izahay, dia tamin'izay ny andro voalohany niainan'ny vadiko tao anaty horohoron-tany. Izaho nipetraka tao amin'ny trano fihetezana iray ary ny efitra dia nihovitra kely, avy eo ny radio dia nampandre fa misy horohoron-tany. Voalaza fa mbola miandry iray hafa izy ireo afaka dimy minitra, dia hoy aho hoe: "Andriamanitra o, Ahoana raha ity no farany?" Tamin'izany fotoana izany dia vitsy ny olona nahafantatra fa ny Mpaminanin'Andriamanitra dia nanantateraka ny Soratra Masina raha niresaka momba ny horohoron-tany.

Tamin'ny Desambra 27, 1964, ao amin'ny hafatra napetrany, "Iza ny filazanareo an'io?" Hoy izy. "Jereo anie ny horohorontany eto California e ! Efa nilaza io mialoha alohan'ny ahatongavan'i Jesosy Tompo aho fa hiletika io toerana io. Hinoako fa i Hollywood, Los Angeles izany, izay toerana feno fahalotoana, ka ilay Andriamanitra Mahery no handetika azy. Hiletika any amin'ny fanambanin'ny ranomasina izy."

Na dia maro aza isika no manaraka ny hafatry ny mpaminany, ary mino azy ho mpaminanin'Andriamanitra amin'izao taranaka izao, kanefa tamin'izany ora izany, dia tsy hitantsika ny faminaniana ny amin'ny fitsarana eo amin'ny morontsiraka andrefan'i Amerika.

Aprily 29, 1965, ny tohivakan'ny faminaniana dia nandroso raha teo ampitoriana teny Rahalahy Branham tao Los Angeles. Taloha kelin'ny izany io maraina io, dia nihira i Rahavavy Florence Shakarian, izay namana tena sarobidy, tamin'ny fomba izay tsy azo hanoharana. (Rahavavy Florence dia efa narary nandritra ny fotoana ela sy volana vitsivitsy teo aloha, Rahalahy Demos Shakarian dia nangataka Rahalahy mba hivavaka ho an'ny anabaviny, izay efa ho faty ny homamiadana. Tamin'io fotoana io indrindra Rahalahy Branham no nomen'ny Tompo teny momba ny Rahavavy Florence. Hy izy tamin'i Demos hoe tsy ho faty izy, fa ho faty alohan'ny ahatongavan'ny Tompo, ary io dia hitranga eo anelanelan'ny roa na telo ora izay ho maraina iray, ary dia hitany nivalapatra tamin'izany izy. Ny hira nataon'ny Rahavavy Florence io maraina io dia nisy hosotra manokana, afaka mihira tahaka ny vorona izy. (karazana fody) Ilay hira dia tena fitahiana lehibe, ary nanainga ny fanahin'ny iray fiangonana. Rehefa tapitra ny ny hirany, Rahalahy Branham nipetraka teo amin'ny sehatra akaikin'ny Rahalahy Carl Williams, nitarika ny Rahalahy Carl ka nanao hoe: "Renao ve izany?" Rahalahy Carl nanontany azy ny zavatra tiany hambara, Rahalahy Branham namaly hoe: "miakatra ny tohatra volamena izy, tsy henonao ve izy?"

Tamin'izay fotoana izay indrindra dia nisy lehilahy nitsangana ka nitondra hafatra mahery tamin'ny teny tsy fantatra, mampagorintsina hazondamosina izay matetika no omena ao amin'ny fiangonana Pentekotista, amin-kasahina sy amin-kery no nanomezana izany. Ny fandikan-teny dia tonga avy hatrany avy ery amin'ny ilan'ny efitrano ery. "Oh ry zanakavavy ny Ziona, aza matahotra, aza manahy, fa ho velona ianao mba hahita ny fiavian'ny Tompo." Rahalahy Billy Paul tao tamin'izany andro izany, dia tena sahiran-tsaina izy, satria fantany fa izany dia nanohitra ny hafatry Rahalahy Branham avy amin'ny Tompo. Ilay hafatra nefo dia tena tonga tamin'ny hery sy ny osotra; nefo fantany fa ny Anjelin'ny Tompo mbola tsy nandiso ny Rahalahy Branham.

Teo moa dia tsy nisy fanazavana ho tohin'izany Rahalahy Branham dia nitohy nitory ny hafatra momban'ny "Fifidianana ny Ampakarina." Ny fitohizan'ny faminaniana manaraka dia mitohy ho an'ny olona ao Los Angeles, "Tsy fantatrareo fa indray andro any io tanàna io dia hipetraka any amin'ny fanambanin'ny ranomasina hoy izy "O, ry Kapernaony," hoy i Jesosy: "Hianao izay manandratena hatrany amin'ny lanitra dia ampidinina ambany ho any amin'ny helo, fa raha ny asa lehibe izay natao

no tao amin'ny Sodoma sy Gomora, dia mbola nitsangana teo izy hatramin'izao. "Ary Sodoma sy Gomora nilentika any amin'ny farany ambany amin'ny Ranomasina Maty, ary Kapernaomy koa dia any ambanin' ny ranomasina. Ianao izay tanàna milaza ho tanànan'ny anjely, (Los Angeles) izay nanandratra ny tenao any an-danitra ka nandefy ny zavatra maloto rehetran'ny lamaody sy ny tahak'izany, ka na ny firenena vahiny aza dia tonga eto mba hitsimpona ny malototsika ka hanaparitaka izany, miaraka amin'ny fiangonana sy ny tilikambona tsara dia tsara, sy ny sisa araka ny fomba fanaonao; tsarovy, indray andro any ianao dia hipetraka any ambanin'ny ranomasina. Tantely be eo ambanin'izay tianao hatao ianao amin'izao fotoana izao. Ny fahatezeran'Andriamanitra dia efa mandrezatra ao ambaninao. Mandra-pahoviana Izy io no hihazona ny tora-pasika mihantona noho izany, rehefa hibilisatra iry ranomasimbe avy erè, hidina iray kilaometatra lalina any amin'ny fanambanin'ny Salton. Ho ratsy lavitra noho ny andro niafaran'i Pompéii izany. Mibebaha, ry Los Angeles. Mibebaha ny sisa aminareo ary miverena amin'Andriamanitra. Ny oran'ny fahatezerany dia eo ambonin'ny tany. Mandosira raha mbola misy fotoana handosirana ka manantona an'i Kristy. "Aoka isika hivavaka."

Io no fotoana lehibe indrindra ho antsika izay nino fa Rahalahy Branham dia mpaminany'Andriamanitra manana ny fanahin'i Elia, rehefa nandalo tamintsika ny fahalalana avy amin'ny horonam-peo izay efa henontsika, ny boky efa novakantsika, ary izay efa rentsika nolazain'izany lehilahin'Andriamanitra izany; izy rehetra dia nanondro faminaniana loza ho amin'ny morontsiraka andrefana. Ankehitriny dia fantatsika fa naminany izy ary nanaiky azy ho mpaminany isika, ary fantantsika fa ny tsy niteny na inona na inona izy, raha tsy hita ao amin'ny Soratra Masina. Ankehitriny dia manomboka manaraka akaiky isika.

Tamin'ny 22 Aogositra, 1965, Rahalahy Branham dia niresaka momban'ny morontsiraka mankany amin'ny amorontsiraka, sisintany mankany amin'ny sisintany, fihainoana amin'ny telefona, tao amin'ny Toriteniny "Thinking man's Filter" mazava tsara fa nanambara didim-pitsarana hoan'i Amerika: "Ny Fanahy Masina ao anatin'ny foko anio hariva dia mitomany," Laodikia jamba, impiry moa Andriamanitra no efa nanome anareo ny fifohazam-panahy, fa ankehitriny efa tonga ny fotoanao, efa tara loatra ankehitriny. Nahoana no nihomehy sy naneso ireo olona nalefan'Andriamanitra tany aminao? fa ankehitriny efa tonga ny fotoanao. Oh, Etazonia, Etazonia, fa Andriamanitra no efa niaro anao tahaka ny fanalokalofan'ny akohovavy ny zanany, fa tsy nety ianareo. "Ankehitriny, ny feo dia mandeha avy amin'ny morontsiraka mankany amin'ny morontsiraka, avy any avaratra mianatsimo, atsinanana miakandrefana. Ahoana Andriamanitra no efa nanalokaloka anao, nefy ianao tsy nety. Ankehitriny, tonga ny fotoana.ho potika ny firenena maro;hianjera izao tontolo izao. Mivongana 2414 kilometatra, 483 na 644 kilaometatra ny sakany, dia hilentika 161 km na angamba 64 kilaometatra hidina ao amin'io fasana lehibe io indray andro any, ary ny onja dia hitopatopa hitontona avy any Kentucky. Ary rehefa hitranga izany, dia hanozongozona mafy an'izao tontolo izao Aho ka ny zavatra rehetra eo an-tampony dia hianjera."

Tena mitovy amin'ny tenin'ny mpaminanin'Andriamanitra ny amin'ny Etazonia ny tenin'i Jesosy rehefa nilaza izy hoe : "Oh Jerosalema! Raha mba fantatrao ny andro hamangiana anao ..." Raha mba i Etazonia sy ny olona izay milaza ny tenany ho vahoakan'Andriamanitra, na dia mitory ny Batisan'ny Fanahy Masina, ny fanomezam-pahasoavan'ny Fanahy, ny fanasitranana avy amin'Andriamanitra no nahfantatra ny andro izay nitsidhan'Andriamanitra ity taranaka ity eo amin'ny fainan'ny mpaminany.

Ny tafio-drivotra dia "nipoaka" intelo tamin'izany andro izany tamin'ny Febroary 1964. Ny valin'ny fitsarana dia horohorontany izay saika nandriatra ny morontsiraky Alaska ny Zoma Tsara (Good Friday earthquake) tamin'io taona io. Tsy misy olona izay niaina tamin'izany tahotra izany na nandinika ny fahapotehana sy ny famoizana ain'olona tao, no afaka hanadino hoe manao ahoana ny havesatry ny

tanan' Andriamanitra amin'ny fitsarana.

Ny fotoana manaraka niharan'ny fitsarana dia herintaona taty aoriana, tamin'ny April 29, 1965, mbola tamin'ny Zoma Tsara ihany (Vendredi Jolie). Tsy mafy noho ny tamin'ny voalohany, kanefa na dia izany aza, izany horohorontany izany dia nahatratra 7.0 teo amin'ny fandrefesan'i Richter. Ny ivony dia tahaka ny tao Puget Sound, 24 kilaometatra atsimon'i Seattle, io horohorontany dia tsy isaina ho nahafoizana ain'olona be sy fahapotehana fananana, fa ny fitsarana dia mitovy - tsara be nidina ny morontsiraka andrefana avy amin'ny fitokonana voalohany any Alaska. Tena nahazo ny morontsiraka andrefana izay teo amin'ilay famelezana voalohany tao Alaska.

Jolay 18, 1965, tamin'ny hafatra mitondra ny lohateny hoe "Manao fanompoana amin'Andriamanitra tsy araka ny sitrapony" Rahalahy Branham hoe: "Tsy mivavaka ho an'i Amerika akory aho. Efa mandeha lavitra kokoa izy, ary mandeha hilentika! Efa ho iray ampahefolon'ny tany dia efa ho lavo ao."

Nahoana aho no mampiditra mivantana ny fomba-fiteny rehetra avy amin'ny toritenin'i Rahalahy Branham? Tsotra ihany ny antony satria te hanazava izay tena nolazainy ampahebemaso aho, izay nolazaina fa tsy izy no niteny izany. Tadidio fa izy dia tsy nametraka daty na oviana na oviana. Izy tsy nilaza hoe rahoviana izany no hitranga, afa-tsy ny nilazany mialoha fa hitranga alohan'ny ahatongavan'ny Tompo izany.

Fitoriana tamin'ny 25 Jolay 1965, "Ireo Voahosotra Any amin'ny Andro farany," hoy izy, "Fa efa nilaza tamintsika Jesosy Tompo fa rehefa hanomboka hitranga ireo zavatra hitantsika ireo dia hanandratra ny lohantsika isika satria efa akaiky ny fanavotana antsika. Ankehitriny, inona moa ny tiana ho lazaina ny amin'ny hoe manakaiky, Izaho aloha dia tsy mahalala. Sa ve mety azo adika araka ny volazan'ny mpahay siansa tamin'ny televiziona milaza ny fahapotehan'ny tany ka vaky milentika ny velarana anarivorivony kilometatra? Ary maro aminareo no nahita fa narahany tamin'ny radara izany, ary dia niakatra - - nankany ambanin'i San Jose, dia avy eo namakivaky an'i Alaska, ary nivoaka nanaraka ny Nosy Aleutian 322 kilometatra mankany amin'ny ranomasina, dia niverina indray tany San Diago, niodina tao Los Angeles, dia niakatra tao, nandavaka lehibe tao. Ireo horohorontany rehetra nihatra tamintsika dia ny volkano izay mifandona amin'ny zavatra poak'aty lehibe, ao anatin'ao. Tsy haiko ny fomba hilazan'dry zareo azy.. Fa fontsiny, rehefa mihetsika izany, dia mahatonga hororontany izay nihatra tamintsika tao anatin'ny 10 taona tamin'ny ilany andrefana. Ankehitriny izany dia miitatra mamaky manodidina.»

Tamin'izany alina izany, Jolay 25, 1965, rehefa nitory izy "Inona no nanintona teo an-tendrombohitra, "dia hoy izy," Henoy tsara. (Tamin'izay fotoana izay izy dia nankao amin'ny Soratra Masina ary naneho marimarina fa izy no mpaminany voalazan'ny teny, ary mitanisa ny tao amin'ny Zakaria, izay naminany ny fiavian'i Kristy amin'ny andro farany.) Zakaria 14 : 4,5 .

4 Ary amin'izany andro izany ny tongony hijoro eo an-Tendrombohitra Oliva. izay eo atsinanana tandrifin'i Jerosalema, ary ny Tendrombohitra Oliva hitresaka eo afovoany hiatsinanana sy hiankandrefana, ka hisy lohasaha lehibe; ary ny antsasaky ny tendrombohitra hifindra hianavaratra, fa ny an-tsasany kosa hianatsimo.

5 Dia handositra ho any amin'ny lohasahan'ny tendrombohitro ianareo, fa hipaka hatrany Azela ny lohasahan'ny tendrombohitra; eny, handositra ianareo tahaka ny nandosiranareo ny horohorontany tamin'ny andron'i Ozia, mpanjakan'ny Joda; ary ho avy Jehovah Andriamanitra mbamin'ny masina rehetra momba Azy**. [na: hamaky]/[heb. Anao]*

Horohoron-tany iray hafa nanokatra ny tany. Raha te-hanaraka amin'ny alàlan'ny Soratra Masina ianao, mariho ao amin'ny andininy fahadimy dia ampiharina fa ny firaiketan'ny Tendrombohitra Oliva dia avy amin' ny horohoron-tany. Izany dia hamafisina ao amin'ny Isaia 29 : 6

6 Avy amin'i Jehovah, Tompon'ny maro, no hihavian'ny famaliana, dia kotrokorana sy horohoron-tany ary rohondrohona mafy, tadio sy tafio-drivotra ary lelafo mandevona.

Ary ny Apokalypsy 16, andininy faha- 17 sy 18. Izay indrindra, inona ary no dikan'izany rehetra izany? Ny mpaminany, izay nilaza ny fihaviany voalohany dia nahita ny fihaviany fanandroany. Mariho, "Toy ny tamin'ny andro ny horohoron-tany... "Fa inona ary no ataon'ny horohoron-tany? Jereo ny fanambarana mialoha momba azy ireo... Hitanao ve izany hoe aiza izany isika izao? 'Miparitaka ny firenena, mifoha Isirael; ny famantarana izay voalazan'ny mpaminany mialoha.' ny horohoron-tany amin'ny jentilisa amin'ny andro farany."

Tamin'ny 6 Desambra, 1965, tao San Bernardino, ny toriteniny mitondra ny lohateny hoe "Tranga Moderna hazavain'ny faminaniana," nilaza izy fa tsy nieritreritra ny mbola ho tafaverina tany California indray ka nanao izany teny izany, "Jereo tsara izy fa mivarina any anaty ranomasina." Izay ny farany nitsidihany an'i California.

Nanatona azy ny rahalahy isan-karazany izay nonina tany California, nangataka taminy izay tokony hatao. Ary hoy izy tamin'ny tarika iray, raha tany am-pihazàna, "hataon'ny olona fihomehezana ny fandringanana vokatry ny horohoron-tany izay efa ho avy "Izao no lazain'ny Tompo" amin'ny morontsiraka andrefan'i Amerika, fa tiako ho fantatrareo rahalahy izao, fa raha misy manana namana na fifandraisana ao Los Angeles, raha izaho no eo amin'ny toeranareo dia ataoko izay hivoahany ao faran'izay haingana." avy eo izy dia nitantara ny fomba nilazan'ilay Anjelin'i Jehovah taminy fa ny vadiny, Meda, dia hiteraka zazalahy kely ary ny anarany hataonao hoe Joseph. Ary io Anjelin'i Jehovah io ihany no nilaza tamiko fa Los Angeles dia hilentika sy hivarina any amin'ny Oseana Pasifika vokatry ny horohoron-tany.

Mba hiverenana amin'ny adintsaina nahazo ny Rahalahy Billy Paul momba ny faminaniana mahakasika ny Rahavavy Shakarian tamin'izany fotoana izany, rehefa nivoaka ny hafatra amin'ny fiteny tsy fantatra dia nitory "Fisafidianana ny Ampakarina" Rahalahy Branham. Raha niverina tao amin' ny trano fandraisam-bahiny nisy azy ireo izy mianaka, dia fantany fa nisy zavatra mampiasa saina an'i Billy ka hoy izy hoe: "Paoly, inona no tsy mety?"

"A a an, tsy inona inona ry Dada a,"Hoy i Billy.

Afaka diantongotra roan a telo, dia nanontany azy indray Rahalahy Branham, "Inona no mampiasa saina anao ry Paoly?"

"Izao ry Dada a, "hoy Billy", "Henonao ny hafatra ny fitenenenana amin'ny teny tsy fantatra sy ny fandikana izany teo."

"Eny e, dia ahoana?" Hoy ny mpaminany.

"Dada a, ianao anie nilaza fa ilay Anjelin'ny Tompo nilaza taminao fa ho faty izy eo anelanelan'ny 2 na 3 ora maraina."

Jereo tsara ny namalian'i Rahalahy Branham azy - izay mampiavaka azy - izay namaliany fa mbola tsy

niresaka izy hoe manohitra ny teny amin'ny teny tsy fantatra sy ny fandikana izany: "Eny ary hoy izy, ny azoko lazaina anao ry Paoly dia tsy niteny zavatra hafa ahy ny Tompo."

Ny 11 Septambra 1965, Rahalahy Branham dia tao Phoenix, nitory teny momban'ny "Ny Herin'Andriamanitra mahatonga fanovana". Tamin'io fotoana io no nanatrimaso aho fa voavaliny ny fanontaniana nampiasa saina an'i Billy Paul. Tao amin'ny Ramada Inn izahay raha nahazo antso antariby avy lavitra, Los Angeles ny Rahalahy Carl Williams fa maty ny alina i Rahavavy Florence.

Ralahahy Branham dia naharay ny hafatra avy hatrany ary nanontany an'i Rahalahy Williams ny ora sy fotoana nahafatesany. Teo aho tamin'ny mbola teo ampiresahana an-tarobia ry zareo, ary ny valiny dia tamin'ny 2:45 maraina izy no maty.

Ankehitriny ary,avy amin'Andriamanitra ve ny teny tsy fantatra sy ny fandikana izany, sa vokatry ny fihezahan'ny olona iray? Ny Anjelin'ny Tompo dia nilaza tamin'ny mpaminanin'Andriamanitra fa ho faty izy eo anelanelan'ny 2 na 3 ora maraina. Ny teny tamin'ny teny tsy fantatra nefà nilaza fa tsy ho faty izy, izany hoe ny anabavintsika dia maty ao amin'i Kristy. Ary dia nitranga izany araka izay voalazan'ilay Anjelin'ny Tompo fa hitranga - fanaporofaona iray ny maha-mpaminanin'Andriamanitra azy eo anoloan'ny fanoherana henjana dia henjana.

Na dia teo aza ny porofo tsy azo ialana fa mpaminanin'Andriamanitra amin'izao fotoana izao ny Rahalahy Branham, dia misy ireo mitsikera sy mandeha amin'ny lâlana mahavery. Tamin'ilay faminaniana ny fahapotehan'ny morontsiraka andrefana, ny tsy finoan'izy ireo dia niha nahazo vahana, nahatonga azy ireo hanesoeso manohitra ny fampitandreman'Andriamanitra izay nomena ity taranaka ity. Ohatra, misy ny filazana fa ny Rahalahy Branham dia nilaza mialoha fa ny fahapotehan'i Los Angeles dia alohan'ny favoriana (Convention) iray ny "Full Gospel Businessmen" (Raharaha mahakasika ny Filazantsara Feno) izay atao ao amin'io tanâna io. Ireo izay nilaza an'io dia sahy naneso ny tenin'ny mpaminany ary nilaza fa tamin'ny 1968 tao Los Angeles no nisy favoriana. (Convention). Tsy nanaiky izany aho, ny antony voalohany dia tsy ninoako hoe niteny izany izy. Ilay olona nilaza fa manana izany amin'ny fandraisam-peo dia tsy sahy namela ahy hiaino izany. Ny filâzany dia hoe, Rahalahy Branham dia tsy nilaza izany ampahibemaso, fa nobisibitsihany tamin'ilay olona teo akaikiny teo amin'ny lapihazo,ary ny fandraisam-peony no naharay ny feon'i Rahalahy Branham. Ny mahagaga anefa dia tsy mety avelan'io lehilahy io henoinay feo mahakasika ny Rahalahy Branham izany. Raha atao aza hoe nilaza izany izy,dia hifanohitra amin'ny tena trangan-javatra marina ve, amin'ny fotoana hitrangany? Izany hoe ny "Full Businessman Convention" dia nanao ny favoriany tao Los Angeles? Tsia ny valiny. Ny fifanarahana dia tsy tao Los Angeles, fa tao Beverly Hills Hilton Hotel. Noho ny amin'izy ireo, dia tsy tiako ny ahita andry zareo hanao fihaonana iray ao Los Angeles raha nilaza izany ny mpaminanin'Andriamanitra.

Amiko manokana, miandry izany andro izany aho, satria mino aho fa io no andro izay hivoahan'ny fitsanganan'ny maty ho an'ireo izay maty tao amin'i Kristy.

Nisy mpitondra antoko- pivavahana malaza eran-tany iray, filohan'ny Pantekotista dia nanoratra taratasy tamin'ny tsy fahalalana, hoy izy "Tsy mahagaga raha nesorin'Andriamanitra tamin'ny asany Rahalahy Branham hoy izy. Izay olona milaza mialoha ny fahapotehan'i Los Angeles, izay misy olona 420 000 feno Fanahy Masina - Andriamanitra dia hitsara ny lehilahy nilaza izany." Io lehilahy io dia tsy mahafantatra ny Soratra Masina, ary tsy mahalala ihany koa ny hetsika ataon'Andriamanitra amin'ny olony amin'izao fotoana izao. Toa zazavao ny fihetsiny, fitsarana tsy amim-pieritreretana. Tsy ho lazaiko ny anarany, fa amim-pahatsorana no hinoako fa mamaky ity boky ity izy, satria tsy maintsy ho tonga ahafantatra izy fa tena mila mibebaka. Amin'ny fitenenan-dratsy ny Fanahin'Andriamanitra

(blasfemia), dia nitohy niteny izy, tamin'ny teny rehetra nataony. Maneso ny Fanahin'Andriamanitra. Amim-pitiavana no hitenenako fa mibebaka izy amin'izao ary nesoriny ireto teny ireto, fandrao hifanehatra amin'izany izy amin'ny andro fitsarana. Tsy fantany ny Andriamanitra izay lazainy fa tompony. Raha fantany, dia hangovitra amin-tahotra izy, amin'ny mahatonga an'Andriamanitra hamono olona 28,000 ao anatin'ny iray andro. Io dia Andriamaniry ny Baiboly, fa tsy Andriamaniry ny fieritreretan'ny sain'ny olona.

Misy evanjelisitra fanta-daza eran-tany iray hafa koa nanoratra ao, amin'ny gazetiny momban'ireo fahitana mialoha ny horohoron-tany ireo, fa tsy hitany ao anaty Soratra Masina izany, fa ny hinony dia trangan-jazavatra izay hiseho ireo, fa tsy hisy dikany manokana amin'ny vahoakan'Andriamanitra. Io lehilahy io koa dia manaporofo ny tenany fa tsy mahalala ny Tenin'ny Soratra Masina izy, satria adinony ny ao amin'ny Daniela 12:1 izay milaza fa ilay arikajely lehibe dia hitsangana eo ambonin'ny tany, ary hisy fahapotehina (fandravana) lehibe, izay mbola tsy nisy toa izany hatramin'ny nisian'ny firenena, fa ireo izay: "Voasoratra ao amin'ny Bokin'ny Fiainana ny anarany dia tsy ahatahotra izany ora izany." Hinona fa tsy fantany koa ny Apoklipsy 6:12 izay milaza mazava tsara fa amin'ny fotoana hanokafana ny tombokase fahaenina, dia indro, nisy horohoron-tany lehibe, ary ny masoandro dia lasa maity tahaka ny volon-doha miangona, ary ny volana tahaka ny rà." Mila mamaky ny Fanambaran'i Rahalahy Branaham momba ny Tombokase Fito ianao maba ahitanao ny Tombokase faha-enina ho an'ny Jiosy rehefa hiseho vatana amin'ireo Rahalahiny Kristy, fa ny jentilisa ampakarina efa lasa amin'izany andro izany.

Ny horohoron-tany koa dia lasa teboka iray hiodinan'ny tenin'ny mpaminany hatrany amin'ny fitenenana ny Ampakarina ho avy ary mba hiomanany; ary izay Ampakarina izany ihany no tsy maintsy mahita fa izay nomena ny vahoakan'Andriamanitra dia hitondra fitsarana hoa an'ny tsy mino.

Tamin'ny fotoana iray aho dia sendra namaky ho an'i Rahalahy Branham ny Bokin'ny Fanambarana nanomboka tamin'ny toko 14 ka hatramin'ny 18. Apokalipsy 18:14 dia milaza, "...mivoaha eo anivony, ry vahoakako, mba tsy handray anjara amin'ny otany ianao, ary mba tsy hiatra aminao ireo loza hanjo azy." Rehefa namaky ireo teny irreo aho, dia tena ankona tanteraka fa io mihitsy ny hafatry Rahalahy Branham. Izy no nilaza "Mivoaha ao anivony", milaza ny fomban'ny antokom-pivavahana (system), ny Loza ho an'ny Romana, zanaka vavin'ilay vehivavy janga, sy izay zavatra rehetra mety mahajamba ny maso.

Teo dia fantatro fa tsy fahanterahan'ny Malakia 4, Luke 17:30 fontsiny izy, fa ny Apokalipsy 10:7 koa, ary koa ny fahatanterahan'ny toko faha 18 ao amin'ny Bokin'ny Fanambarana. Rehefa namaky ny andininy faha 8 aho tamin'izay, izay miresaka ilay tanàna lehiben'i Babylona, izay mipetraka eo amin'ny tendrombohitra fito (araka ny Apokalipsy 17), izay milaza, "...izy dia ho dorana tanteraka amin'ny afo: fa mahery ny Andriamanitra Tompo izay mitsara azy. Ary ny mpanjakan'ny tany izay nijangajanga taminy sy niaina lafatra tsara niaraka taminy, dia hitomany azy, ary hidradradra noho ny aminy, rehefa hitan'izy ireo ny setroka amin'ny fandorana azy. Mitsangana lavitra dia lavitra mba ho ampijaliana...." (Rehefa mamaky io tapany io aho, dia hoy ny filazan'i Rahalahy Branham, "Hery Atomika") Indrisy, indrisy ilay Tanàna lehibe Babylona, ilay tanàna mahery, ao anatin'ny iray ora dia tong any fitsarana anao."

Raha afo tsotra io dia mety nandraman'izy ireo novonoina. Ny Rahalahy Branham dia nilaza mialoha io famonoana amin'ny atomika io tamin'ny 1959 tao anatin'ny hafatra (toriteny) mitondra ny lohateny hoe "Ilay Vehivavy Janga Lehibe" rehefa nilaza izy "Izao no lazain'ny Tompo" indray andro any dia ho zeran'ny Rosiana baomba atomika ao Vatikana ary ao anatin'ny ora iray dia ho potika izy." Eto amin'ny Sorata Masina dia voaporofo io (ho an'izay manana maso mahita) fa tena marina izany. Misy

mpaminanin' Andriamanitra iray tsy maintsy hitsangana ety an-tany, "Izay no lazain'ny Tompo" mba ho fahatanterahan'ny tenin'ny Soratra Masina. Dia tahaka izany ihany, tsy maintsy mitsangana ety an-tany izy ary milaza, "Izao no lazain'ny Tompo" Hilentika i Kalifornia, ny antony dia mba hampilentika azy. Ny Tenin' Andriamanitra dia tsy maintsy nolazaina alohan'ny hanantanterahan' Andriamanitra azy.

Ny Apokalipsy 18:20 dia milaza, "Mifalia noho izay zavatra nanjo azy ianao, ry lanitra, sy ianareo olona masina sy ianareo Apostoly, ary ianareo mpaminany; fa Andriamanitra efa nitsara azy ka namaly azy noho ny taminareo." Andriamanitra dia niteny fa hamaly ny fomba (system) n'ny Romana ,ho lasa leon'ny afo izy. Dia avy eo aho namaky ny andininy 21 "Ary nisy anjely mahery anankiray nibata vato tahaka ny vato lehibe fikosoham-bary, dia nanipy izany tany an-dranomasina ka nanao hoe: Hatsipy mafy toy izany no ho fandrava an'i Babylona, ilay tanàna lehibe, ka tsy ho hita intsony izy." Teo ny mpaminany dia niteny moramora tamiko," Jereo, Rahalahy Green, ireo Babylona roa ireo. Io dia tamin'ny Aogositra 1964 alohan'ny naminiany ny fahapotehan'i Los Angeles.

Noho izany,tamin'izany fotoana izany, dia tsy takako izay tiany holazaina ny amin'ny hoe «Babylona roa», ny iray potiky ny afo, ny iray atispy any anaty ranomasina. Jereo tsara ny Soratra Masina nolazainy izay mifandraika amin'ny fahapotehan'i Los Angeles : »22:« Ary ny feon'ny mpitendry lokanga sy ny mpitsoka mozika sy ny mpitsoka sodina ary ny mpitsoka trompetra dia tsy ho re eo aminao intsony; ary ny mpiasa rehetra mahay zavatra na inona na inona tsy ho hita eo aminao intsony; ary ny feon'ny vato fikosoham-bary tsy ho re eo aminao intsony; 23 ary ny fahazavan'ny jiro tsy mba hahazava eo aminao intsony; ary ny feon'ny mpampakatra sy ny ampakarina tsy ho re eo aminao intsony; fa ny mpivarotra tao aminao dia olona nalaza tety an-tany; fa ny ody ratsinao no nentinao namitaka ny firenena rehetra.» (Tsy afaka mandrehitra jiro any ambany ranomasina ianao)

Andao hiverenana kely ny andro, rehefa nitodika tamin'i Rahalahy Billy Paul i Rahalahy Branham ary nilaza, «Billy, ny zavatra azoko ambara anao dia izay nolazain' Andriamanitra ahy ihany. (momba an'i Rahavavy Florence)

Taorian'ny nilazany izany,dia nitodika tamin'ny zanany Billy izy ary nilaza,aiza ianao izao no mitsangana?

"Eto afovoan-tananan'i Los Angeles." Namaly i Billy.

"Aiza no hitsangananao?" Nanontany ny mpaminany

"Eo anoloan'ny May Company, Afovoan-tananan'i Los Angeles," hoy ny navaliny.

Tamin'izay no nanambaran'i Rahalahy Branham faminaniana avy aminy manokana: "Billy," hoy izy, "Mety tsy ho eo aho, fa tsy ho antitra ianao mandra-pilomanon'ny atsantsa eto amin'ity toerana hitsanganantsika ity.

Ny Rahalahy Branham dia nitory teny farany tao California tamin'ny 7 Desambra, 1965, tao Covina. Tao amin'ny toriteniny "Fitantanana", dia nilaza izy fa tsy fantany raha mbola hiverina any California izy. Tamin'io alina io raha vita ny toriteniny, dia nanao zavatra izay mbola tsy fahitanay na efa renay mpanaradia azy akaiky izy.Mandrakariva rehefa mando ny fiangonana ao Jeffersonville izy, dia mihira ilay hoe "Mandra-piahona" "Enga anie ka homba anao Jesoa". Ny alin'io tao Covina, California, dia nofaranany ny anjarany amin'ny fotoana ary tao ivelany, voalohany no nanaovany izany, teo antokotanin'ny fiangonany, tao Jeffersonville miaraka amin'ilay hira hoe "Mandra-pihaona" "Mandra-pihaona" "Mandra-pihaona" eo antogotry Jesosy..." Izaho dia nipetraka teo amin'ny latabatra (seza +

latabatra), niaraka tamin'ny Rahalahy Carl Williams. Hitako izy nivoaka nihazo ny sisin'ny lapihazo niaraka tamin'i Billy, niala tamin'i Billy izy, dia niverina teo amin'ny lapihazo, ary rehefa nihira ilay hira ry zareo, dia nanao veloma izy sady naevaevany ny tanany. Io dia zavatra mbola tsy hitako nataony mihintsy teo aloha ary tsy nahita azy nanao izany intsony aho.

Araka izany filazako azy izany, dia nokithiko Rahalahy Carl dia hoy aho, "Rahalahy Carl, manao veloma an'I California ve izy?

Tsy niverina intsony izy.

Endrey izany fahadalan'ireo izay milaza fa hifindra ho amin'ny morontsiraka andrefana kanefa Andriamanitra milaza hoe, tsia. Ho anareo ry Havana, tiako ny ahafantaranareo, tsy amin'ny aloky ny fisalasalana, fa efa niteny taminareo Andriamanitra. Nilazana ianareo fa Andriamanitra dianandefana mpaminany ho an'ity taranaka itynizay milaza, "Izao no lazain'ny Tompo, ny tananan'i Los Angeles, vokatry ny horohoron-tany dia hitresaka ary hibilisatra any amin'ny ranomasina Pasifika." Raha arapanahy ianao ka maheno ary mino fa io lehilahy io dia fanantanterahan'ny Malakia 4, (Malakia 3:23 ny baiboly gasy), mpialoha lalana ny fiavian'i Jesosy Kristy Tompo fanindroanay, ary mipetraka amin'ny morontsiraka andrefana, mivoaha faran'izay haingana, fa tena Andriamanitra no niteny.

Nadika avy ... "The Acts of the Prophet"
amin'ny alalan'ny Rev. Pearry Green
Chapter 12.
Earthquake Judgement.

<http://www.believersnewsletter.org>



Translation. info.bnl.ministries@gmail.com